

KIROLDEGIA

PILOTA

LABURREAN



Marino Lejarreta.

SIMAL

Lejarretarentzat aurtengo Biperraren Saria

L.E. / BAIONA

Ezpeletako Biperraren Kofradiak urtero ematen duen Biperraren Saria aurtun Marino Lejarreta txirrindulari bizkaitarrari eman go dio «bere karrera eder osoa-rengatik». Urriaren 24ean Ezpeletan iraganen den egunean jasoko du bere Saria.

Biperraren Saria 1971n eman zen lehendabiziko aldiz. Orduan Serga Cayk jaso zuen. Iaz Pascal Ondarts Miarritzeko rugby-lari aipatuak ukan zuen, honen kirolari karrera ederra nahi zutelarik sariztatu.

Atzo jakinarazi zion albisteak EGUNKARIARI Ezpeletako auza-pez eta Biperraren Kofradiako burua den Mixel Darraiduk. Saria, urriaren 24ean, meza nagusitik landa emango da, Herriko Etxearen sahetsean, Biperraren Kofradiako kide berriak sartuko direlarik. Biperraren Saria Marino Lejarretaren pizua izango duten 'tokiko produktuez' osatua da. Biperraren Kofradia bilduko den egunean Euskal Herri guztiko Kofradiak gomit dira, horrela jende asko bilduko delarik.

Munduko txapelketaren finala jokatu da gaur Miarritzen

Lejardi eta Zezeaga ariko dira San Mateo sariko azken partiduan

Pilota partidu ikusgarriak jokatu dira gaur Miarritze eta Logroñoko frontoietan. Alde batetik, Mitxelena eta Pedrouzo, Txikito-Felix eta Arriaga-Elorza bikoteek jokaturiko finalerdiko garailearen kontra ariko dira Munduko Zesta Txapelketako finalean gaur gauean. Bestetik, Lejardi eta Zezeaga, Retegi-Santi eta Titin-Beloki bikoteek jokaturiko partiduko irabazlearen kontra izango dira San Mateo sariaren finalean bihar.

RAMON BASALDUA / BILBO

Pilotazaleek pozik egoteko arrazoiak dituzte gaur, izan ere sekulako partiduko izango baitituzte ikusgai. Alde batetik, Euskal Telebistak Munduko Zesta Txapelketako finala eskainiko du zuzen-zuzenean Miarritzeko Euskal Jai frontoitik. Bestetik, Espainiar telebistako bigarren kateak zuzenean eskainiko du San Mateo txapelketako finala Logroñoko Adarraga pilotalekutik.

Zesta txapelketari dagokionez, Mitxelena eta Pedrouzok sekulako ezustea eman zuten, herenegun jokaturiko finalerdian Ricardo Alberdi eta Ramon Aranburuk osaturiko bikotea kanporatu zuten. Etxebarriako aurrelaria eta Gernikako atzelaria ziren finalera pasatzeko faborito nagusiak, baina azkenean amore eman zuten Iparraldeko



Remen-Retolazaren ondorengoak ezagutuko dira gaurko finalean. BAYO

bikotearen aurrean. Txikito Boli-bar eta Felixek atzo jokatu zuten bigarren finalerdia Ernesto Arriaga eta Julian Kaltzakorta 'Elorzaren' kontra. Eskuz pilotako San Mateo txapelketari dagokionez, Manu Lejardi eta Joxe Mari Zezeagak finalerako txartela eskuratu zuten, Urionaguena eta Ladis Galarzaren kontra 22-20 irabazi ondoren. Uberako pilotaria egun dagoen atzelaririk indartsuena da eta bere nagusitasunak erabakitzen ditu partidu gehienak. Retegi eta Santik, Titin eta Belokiren kontra jokatu zuten bart bigarren finalerdia.

JAIALDIAK

Gaurko partidukoak


GALARRETA. 16.00. J. Lekunberri - Ekiza / Iñigo - Lizaso. Matxin II - Saldias / Arregi - Aizpuru. Lezea - Auzmendi / Noain - Txikuri. Aseginolaza II - Urretabizkaia II / Kalonje - Imaz.

EUSKAL. 16.00. Garate - Amondarain / Zubeldia II - Adin. M. Lekunberri - A. Lekunberri / Ezkurra - Eizagirre. Intxaurburu - P. Lekunberri / Ollo - Etxeberria. Larrañaga - Zestau / Zeberio - Soto.

MUTRIKU. 16.30. Goñi - Manzisidor / Laka - Agirre. Gorbea - Sudupe / Elorz - Bazeta.

ADARRAGA. 19.45. Unanue - Errasti / Balerdi - Tolosa.

MIARRITZE. 21.15. Munduko Zesta Txapelketako finala.



Unanue, gaur Adarragan.

L.A

RAINEY gerritik behera elbarri geratuko da

Wayne Rainey motor gidari estatubatuarra azkenean gerritik behera elbarri geratuko da. Beraz, ez du gehiago parte hartuko motor probetan. Raineyk Italiako Sari Nagusiko 500 z.k. etako karreran istripu larria izan zuen eta hasiera batean guztiz elbarri geratuko zela pentsatzen bazen ere, itxaropenik bazegoen erabat sendatzeko. Estatubatuar hau, 500eko hiru Munduko Txapelketen jabe da ●

URDANGARIN bi hilabeterako baja ligamentuak hautsi eta gero

Barcelona eskubaloit taldean jokatzen duen Iñaki Urdangarin euskal herritarra hurrengo bi hilabeteetan kantxetatik at egongo da, ezker belauako ligamentuak hautsi dituelako. Gaur artroskopia egingo diote. Beraz, Espainiako selekzioarekin Aurre-Europarrean hiru euskal herritarrek hartuko dute parte, Josu Olalla, Aitor Etxaburu eta Mateo Garrañak hain zuzen ere ●

FERRAN LOPEZek huts egin lezake lesioa dela eta

Caja Bilbao saskibaloit talde bizkaitarreko Ferran Lopez, baseak huts egin lezake bihar Cornellaren kontra, giharretako arazoa baitu. Honela, Txus Bidorreta entrenatzaileak, badaezpada, Xabier Madina antolatzaile juniorra eraman du Kataluniarantz. Taldeko bigarren basea Alvaro Coca da ●

EEBB eta Europa berdindurik Ryder Cupen

EEBB eta Europako golf selekzioak bina berdindurik zeuden Ryder Cupeko lehen jardunaldian lerro hauek idazterako orduan. EEBB-etako garaipenak, Lanny Waddkins-Corey Pavin eta Tom Kite-Davis Love bikoteek lortu zituzten: Europakoak Ian Woosnam-Bernhard Langer eta Nick Faldo-Colin Montgomerie bikoteek ●

NEGU X GORRIAK



TOUR 93

IRAILAK ROSTOCK

25

ALEMANIA

Egunkaria